



Anthon Frederiksen, Partii Naleraq
Inatsisartuni ilaasortaq
/Maani

**Nalunaarasuartaateqarnermik niueruteqarnerup
namminersortunngorsarneqarnissaa pillugu § 37 naapertorlugu apeqquut nr.
2015-198-imut akissut**

Brevdato: 19-08-2015
Sags nr. 2015-116696
Dok. nr. 2027909

Asasara Anthon Frederiksen,

Aallarniutigalugu apeqquteqarninni qutsavigaakkit.

Inatsisartut suleriaasianni § 37 naapertorlugu nalunaarasuartaateqarnermik niueruteqarnerup ammanerulersinneqarnissaa pillugu arlalinnik Naalakkersuisunut apeqquteqarput. Apeqqutit uannut akisassanngorlugit innersuussutigineqarput.

Postboks 909
3900 Nuuk
Tlf.: (+299) 34 50 00
Fax: (+299) 32 52 86
E-mail: isan@nanoq.gl
www.naalakkersuisut.gl

Apeqquummut tunngavilersuummi allassimasutut TELE-p namminersortunngorsarneqarnissaa pineqarani, nalunaarasuartaateqarnermik niueruteqarnerup ammanerulersinneqarnissaa pineqarsimassasoq naatsorsuutigaa. Tamatuma saniatigut innersuussutigissavarakka Jens-Erik Kirkegaard-ip aamma Peter Olsen-ip nalunaarasuartaateqarnermik niueruteqarnerup ammanerulersinneqarnissaa pillugu § 37 naapertorlugu apeqquutaannut 2015-168-imut aamma 2015-173-imut akissuteqaatit, apeqqutit akissutillu imminnut qaleriimmata.

1. TELE-mik namminersortunngorsaanerup atuisunut inuiaqatigiinnullu aningaasatigut kingunerisinnaasai misissorluarneqarsimappat?

Ammanerulersitsisimanerup annertusinissaanut atatillugu sunniutissaanik misissuinis-saq Naalakkersuisut pingaartitorujussuaat. Taamaattumik ammanerulersitsinerup an-nertusarnissaanik aalajangiisoqassappat, tamanna sioqqullugu inuiaqatigiit aningaasa-qarnerannut sunniutissanik misissueqqissaartoqassaaq, ammanerulersitsisimanerup an-nertusarneqarnera inuiaqatigiinnut tamarmiusunut iluaqutaanissaata misissorneqarnis-saa aallunneqassalluni. Misissueqqissaarnerup taassuma 2015-ip ukiuata affaata aap-paata ingerlanerani aallartinnissaa naatsorsuutigineqarpoq.

2. Namminersortunngorsaanerup atuisunut Nuup avataani najugalinnut akisunerulersinneqannginnissaa Naalakkersuisut qanoq qulakkeerniarpaat?

Ammanerulersitsinerup annertusarneqarnera inuiaqatigiinnut tamarmiusunut iluaqutaanissaa piumasarineqarpoq. Misissueqqissaarnermi matuma siuliani taaneqartumi taamaattoqartussaasoq paasineqarpat, taamaallilluni aamma agguagassat annerusariaqar-tut eqqaamassallugu pingaarteqarpoq. Isumalluutit pigisat pitsaanerpaamik atorluarne-qarnissaasa qulakkeerneqarnissaa Naalakkersuisut anguniagaraat, taamaattumillu ammanerulersitsinerup annertusarneqarnerani isumalluutitik pitsaanerumik atorluaanis-samik kinguneqarsinnaaneramik misissuinis-saq Naalakkersuisunit kissaatigineqarpoq.

Nuna tamakkerlugu ineriartortitsisoqarnissaa, aammalu ullumikkut nalunaarasuartaateqarnermi isumalluutiniq agguaaqqittarnerup ingerlaqqinnissaa Naalakkersuisut kissaati-gaat, aammattaaq nalunaarasuartaateqarnermik niueruteqarnermi ammanerulersinne-qarsimasumi. Tamanna pilersuisumut, immaq TELE-POST-imut, pilersuisussaaitaa-nermik, nalunaarasuartaatitigut attaveqaqatigiinnermik, ullumikkut akiusunut assersuun-neqarsinnaasunik akikinnerusunilluunniit akeqartitsiviusumik pitsaasumik qulakkeeriffiu-sumik pisussaaffiliinikkut pissaaq. Taamaalilluni aamma Naalakkersuisut niuerfimmi am-manerulersinneqarsimasumi nalunaarasuartaateqarnermi sumiiffinnit sinneqartoofiusu-nit amigartooruteqarfiusunut agguaaqqitassat amerlassusissaannut aalajangiisinaapput.

Pilersuisussaaitaanermut aningaasalersuisarnermi amigartoorutaasinnaasut ungasianiit attaveqaqatigiinnermut akitsuut, nalunaarasuartaateqarnermik tuniniagaqartut tamarmik nammaqatigiillutik akilertagaat aqqutigalugu aningaasalersorneqartarput. Taamaalilluni nalunaarasuartaateqarnermik tuniniagaqartut nammaqatigiinnermik aallaavilimmik unammillersinneqartarput, tamatumalu peqatigisaanik nuna tamakkerlugu attaveqaatinik ineriartortitsineq ingerlaannartarluni.

3. Ukiuni makkunani TELE-p ataatsimut ingerlatsinermini iluanaarutigisartagaasa attatiinnaqarnissaat Naalakkersuisut qanoq ilillutik qulakkeerniarpaat?

Pineqartoq TELE-POST-ip piginnittuuneranut tunngasuummat, apeqqummut tassunga atatillugu Naalakkersuisut siulittaasuata akissutaa una pissarsiarisimavara:

Ingerlatseqatigiiffinni Namminersorlutik Oqartussanit pigineqartuni, taakkunungalu TELE Greenland A/S ilanngullugu, piginnittoqarnermi suliassat Naalakkersuisut pingaar-nertut suliaqarfialugu isumagisaraat. Naalakkersuisut ingerlatseqatigiiffinnik mikisua-lukkaarluni ingerlatsinissaq tunuarsimaarfigaat. Taamaattumik Naalakkersuisut pigin-nittoqarnermik isumagisaqarneranni ingerlatseqatigiiffinni piginnittut aqutsisullu pigin-naaneqarfiinik agguasarnermut malitassat assingi, aammalu Naalakkersuisut piginnit-toqarnermik isumagisaqarnissamut namminneerlutik malittarisassiai malinneqarput.

Tassalu Naalakkersuisut pingaarnertullugu ingerlatseqatigiiffinni aqutsisut qaffasissumik inissisimasut katitigaanerat eqqumaffigisarpaat, taamaalillunilu aqutsisut qaffasissumik inissisimasut anguniakkanik naleqartitanillu pingaarnernik suliaqarnermikkut ersertitsi-sarput, aammalu siunertat, Naalakkersuisut ingerlatseqatigiiffinnut kissaatigisaat isuma-gisarlugit.

Ingerlatseqatigiiffittut ilusiliilluni suliassanik aalajangersimasunik ingerlatsinissamut siu-nertat ilaattut, niuerpalaartumik ingerlatsisoqarnissaata, taamaalillunilu Nunap Karsianut iluaqutaasumik sinneqartoortut pilersitsisoqarnissaata siunnerfigineqarnissaa anguni-arneqarpoq.

Tamanna pissutigalugu aqutsisut qullit, ilaatigut ingerlatseqatigiiffiit Namminersorlutik Oqartussanit pigineqartut aningaasaqarnikkut sinneqartoornissaannik qulakkeerisinnaa-sunik ingerlaavartumik katiterneqartarnerat Naalakkersuisunit siunnerfigineqarpoq.

Taamaalilluni Naalakkersuisut Tele Greenland A/S-imi aqutsisunik naleqqussaasarneq ingerlaavartumik eqqumaffigaaq, taamaalillutik Tele Greenland A/S-imut inatsisitigut niu-ernikkullu atugassarititaasuni pisariaqartitaaq naammassineqarsinnaassammata, taakku-

nunngalu aamma aningaasaqarnikkut sinneqartoornissamut attuumassutillit qulakkeer-
neqarnissaat ilaatinneqarpoq.

4. Qanoq iliorluni pingaartumik akissaatikinnerusut namminersortunngorsaanermit
eqqorneqannginnissaat Naalakkersuisunit pinaveersaartinneqarniarpa?

Inussiarnersumik apeqqut 2-mut akissut innersuussutigissavara.

Inussiarnersumik inuulluaqqusillunga

Knud Kristiansen